

ZIKHLUM CHIN DAN
(Package of Practices for cultivation of Cabbage)

Sik leh sa duhzawng (Climate):

Thlasik thlai a nih angin boruak vawt leh hnawng ah a tha duh ber. A chi kui tiah nan lei temperature chu 12-15°C a ni tur a ni a, a chin nan hrim hrim chuan 17 - 25°C vel a ni tur a ni.

Lei/Soil duhzawng (Soil):

Zikhlum hi eng ang leiah pawh a chin theih rualin lei sakhat lutuk loah a tha duh. pH 5.5-6.5 vel hi a tha ber.

A chin hun leh a phun dan (Time & Method of planting):

Zikhlum hi August, September leh October –ah te a thar chhuah hun kan duh hma leh tlai a zir leh a zikhlum variety a zirin kui tur a ni.

A phun dan karhlat zawng chu-

1. A thar rangah – 45 x 45cm
2. A thar tlai – 60-70x45-60cm.

A chi mamawh zat (Seed Rate): 400-600g/ha.

Leitha mamawh zat: FYM – 10-15t/ha.

<i>Crops</i>	<i>Fertilizer</i>					
	<i>Urea</i>		<i>DAP</i>		<i>MOP</i>	
	<i>per ha.</i>	<i>per Plant</i>	<i>per ha.</i>	<i>per Plant</i>	<i>per ha.</i>	<i>per Plant</i>
Cabbage	3.0q	10g	1.0q	5g	85kg.	3.5g

Tui mamawh dan:

Phunsawn rualin hneh taka pek tur. Than pangngai a an than hnu ah chuan lei ro lutuk hma a a khat tawka (7-10days) pek tur. Zikhlum (head) 1kg. thar tur hian tui 150ltr. a mamawh a ni. A hlum inseam dawn lai vel hian uluk taka tui pek tur a ni a, a hnah uai khawpa tui tlachham in an awm tur a ni lo.

A seng hun:

Zikhlum bikah hian chuan a seng hun chu a hlum ruh that lai taka seng tur a ni. A variety a zirin phun atanga ni 60-80 emaw , ni 100-120 velah a seng theih.